

畿輔安瀾志

大通河一卷

原委

附載

隄防

橋渡

修治

官司

祠廟



水利

畿輔安瀾志

臣王履泰恭纂

大通河一卷

原委

大通河元人所開以通通州漕運者也本名通惠河以其流入禁城謂之金水河

元史河渠志通惠河其源出於白浮甕山諸泉水也世祖至元二十八年都水監郭守敬奉詔興舉水利因建言疏鑿總長一百六十四里一百四步塞清水

口十二處共長三百一十步首事於至元二十九年之春告成於三十年之秋賜名曰通惠河〔又〕金水河源出宛平縣玉泉山流至義和門南水入京城故得金水之名

〔畿輔通志〕金水河卽玉河上流也

明自永樂間河凍漕廢成化正德嘉靖間屢開濬之自大通橋起抵通州石壩長四十里今更名

〔明史地理志〕順天府大興東南有大通河亦曰通惠河水自玉河出繞城東南下流至高麗莊入白河卽元運河也

〔明會典〕大通河卽潞河舊爲通惠河長

一百六十餘里元初所鑿每十里爲一閘蓄水通舟
以免漕運陸輓之勞永樂以來諸閘猶多存者仍設
官夫守視然不以轉漕河流漸淤成化正德間累命
疏之功不果就嘉靖六年遣漕運總兵錦衣衛都指
揮及御史會濬之

席書漕船志

都城經通州六十

里爲大通橋河

蒼巖通會河卽今之大通河也水

自玉河出繞都城東南經大通橋流至高麗莊入白
河此其源流歸宿之大凡也蓋通會河之源雖言自
白浮諸泉水而其實皆自西山一帶千巖萬壑之水

匯於西湖注大通河流入高麗莊入於白河者也

謹案此河元時本名通惠上起西山下達通州自明改建都城圍積水憚於苑內上游河道不復濬治僅於大通橋起迄於通州石壩址故又有大通之名本朝因之不改其河道亦如明代之舊河防志謂通惠河舊名大通河先後倒置非也

舊源昌平州白浮甕山亦名神山泉

元史河渠志白浮甕山卽通惠河上源之所出也白浮泉水在昌平縣界西折而南經甕山泊自西水門

入都城焉 靑溪漫稿甕山在都城西三十里清河
玉泉之東西湖當其前金山拱其後 方輿紀要金
山在順天府西三十里亦曰甕山其西有龍泉滙而
爲池曰甕山泊潛通太湖白浮山在昌平州東南十
里上有二龍潭流經白浮村爲白浮堰 畿輔通志

白浮泉在昌平州東南通惠河源出白浮村神山泉
與榆河合受一畝馬眼諸泉水滙爲七里灤卽西湖也
永部備考大通河西南會一畝馬眼玉泉繞甕山後
滙爲七里灤 春明夢餘錄通會河通榆河會一畝

馬眼諸泉繞甕山後滙爲七里灤又城河通榆河會一畝馬眼諸泉（一統志）通會河逕神山泉過榆河會一畝馬眼諸泉西南流入宛平縣界七里泊在宛平縣西北三十五里地名碾莊亦名七里灤源出西山一畝馬眼諸泉遶出甕山後滙爲七里灤紆回向南行數十里入高粱河

謹案甕山與玉泉山聯絡接勢實如一山通惠河舊道此山之泉所謂甕山泊者是也陸鉞病逸漫記云白浮水今入清河一畝泉在甕山後已塞甕山下玉

龍雙龍青龍等泉流入西湖蓋卽是今玉泉山之源
水部備考春明夢餘錄明史河渠志同而畿輔通志
大清會典小谷薛鏡等書並云通惠河源出白浮村神山
泉攷之元史河渠志其記通惠河也以爲源出白浮
甕山諸泉水又云都水監郭守敬於舊牐河踪跡導
清水上白白浮村引神山泉西折南轉過雙塢榆河
一畝玉泉諸水至西門入都城南則神山泉以下諸
水皆其導引而非通惠之本源故一統志以爲大通
河源自昌平白浮村逕神山泉過榆河會一畝馬眼

諸泉西南流言逕言過言會最明今神山一畝馬眼
三泉皆榆河所受之水不與大通河相灌注矣並詳
榆河篇

今源自玉泉山之玉泉曰水源頭亦名玉河

元史本紀世祖至元三年八月郭守敬請開玉泉水
以通漕運從之 昌平山水記郭守敬奉詔興水利
上自昌平縣白浮村引神泉西北而南過雙堦一畝
榆河玉泉諸水經甕山泊至西水門入都城神山白
浮皆在州之東南地勢西高東下守敬乃能引之而

西是不可曉

戴洵戴司城集玉泉在京城西三十

里西山之麓有石洞泉泉味甘冽其在山之陽者泉
自下湧鳴若雜佩泓澄百頃合流而入都城逶迤曲
折宛若流虹

都穆南濠集玉泉山金章宗嘗建行

宮今廢山之北麓鑿石爲螭頭泉從螭口出瀦而爲
池玉泉形如規瑩澈深靚掬飲甚甘其東石梁橫跨
泉由之東流入湖東南至大通河爲京師八景之一
西山爲京師之勝而玉泉又西山之勝

帝京景物

畧觀音石閣而西有隆教寺又西上圓通寺望太和

庵前山中人指曰山盡頭泉所源也

燕都遊覽志

玉泉或名之噴雪泉

春明夢餘錄水源頭兩山相

夾小徑如綫亂水淙淙入數里有石洞三旁鑿龍頭
水從龍口噴出水分二支其一伏流地中至玉泉山
湧出山頂舊刻玉泉二字方輿紀要玉河在順天
府西源出玉泉山流注西湖東南入大通河亦謂之
御河

東流出山爲裂帛湖

宋啟明長安可遊記裂帛湖泉仰射如珠串古榆蔭

潭上極幽秀

區懷瑞遊業呂公洞稍東爲龍王祠

渟泓方廣數丈湧泉如珠名裂帛湖然玉泉山傍每
遇石縫卽迸流濺雪不特裂帛湖

帝京景物略玉

泉山根碎石泉湧去山不數武裂帛湖也泉迸湖底
狀如裂帛渙然合於湖湖方數丈水澄以鮮滌沙金
色

畿輔通志

裂帛湖在宛平縣玉泉山望湖亭之

下

其下爲西湖卽今昆明湖也則有丹稜泚水高粱河官
河及龍泉雙泉青龍諸泉入之

紀纂淵海西湖在玉泉山下環湖十里爲一郡之勝
觀〔長安客話〕西湖去玉泉山僅里許卽玉泉龍泉
所瀦此地最窪受諸泉之委滙爲巨浸土名大泊湖
沙禽水鳥出沒隱見於天光雲影中可稱絕勝〔燕
都遊覽志〕由香山至望湖一水夾溝而出荇草交漬
凡三里許水漸狹隱隱不知所之遊者遂以西湖止
此望通衢取道入城不知轉入林中灌水忽開回隄
十里鵝鵝鵝鵝低飛遠立遠水長流不減杭之段家
橋也〔一統志〕西湖在宛平縣玉泉山下舊志玉泉

之水明季南人興水田之利盡快諸窪堤塍菑畚宛

似江南

謹案丹稜泔水平地湧泉水亦西南出潛通琉璃廣

陽諸河王嘉謨薊邱集海塾凡二南則觴於白龍廟又南湊於湖北斜鄰嶠岫河又西五里為寶

山又五里為青桁河南流入於淀之夕陽延而南者

五里旁巴溝鄰曰丹稜泔泔之大以百頃十畝瀦為

湖循泥而町勝相連有石梁曰西勾復瀦為小溪又

南為坡五六泔水再瀦為溪有村曰東雉水入地中

出於巴溝自溝達於白石以入於高粱河而北自嶠

岫入於西湖東有古祠斷碑尙存乃元上都路制使
朶里真撰文上有丹稜泔字餘皆磨滅又水經注高粱河首受濕水自
渾河改流上游已斷元人猶引水入積水潭以為通

惠河之助至今因之詳桑乾河篇

朱國楨湧幢小品外海子即古燕積

水潭也源出西山一畝馬眼諸泉繞出甕山後滙為

七里灤紆回向南行數十里稱高梁河將近城分為

二外繞都城水門內注潭中流逕玉河橋合外隍入

於大通河方輿紀要高梁河在昌平州西徑州西

南三十里之沙間泉又東南逕高梁店又東南流入

都城積水潭今大通河蓋即高梁河下流也二統

志高梁河在宛平縣又官河即一畝泉分流也方輿

西今為玉帶河上流

官河在昌平州西南三十里源出一畝泉分為二流

一日官河流入宛平縣合高梁河元史河渠志雙

塢河源出昌平州孟村一畝泉水經雙塢店而東至

豐善村入榆河畿輔通志在昌平州西南三十里

又龍泉在金山寺玉龍洞長安客話華巖右半里為

甃石為暗渠引水伏流約五里入又香水院雙泉在

西湖名曰龍泉望湖亭建其上

西山法雲寺

袁中道珂雪齋集法雲寺在西山後近寺有雙泉鳴於左右遇石梁履級而上

至寺門內有方池石橋間之水冷然沈碧雙泉交會處也至三層殿後乃得泉源西泉出石罅間經茶堂兩廡繞霑而下東泉出後山經蔬圃入香積廚而下會於前之方塘是名香水也陸鉞病逸漫記白浮泉今入清河一畝泉在甕山後已塞甕山下玉龍雙龍青龍等泉流入西湖又青龍泉卽青龍橋河也

長安客話甕山北五里青龍橋元時白浮堰之上游也

又東流逕

圓明園南又東流逕

暢春園南又東流逕廣源白石高梁澄清諸閘出青龍橋

下其長五十餘里至都城西北隅分爲二支一支環